



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1691. usque ad annum 1701

Fleury, Claude

August. Vind. [u.a.], 1781

VD18 13322648

§. 77. Josephus Saenz de Aguirre Cardinalis obitus.

[urn:nbn:de:hbz:466:1-67627](https://nbn-resolving.org/urn:nbn:de:hbz:466:1-67627)

Sæc. XVII.
A.C. 1699.

§. LXXVII.

Josephus Saenz de Aguirre Cardinalis obitus.

Dupin Bibl. nou. Siecl. XVII. Niceron. t. 4. pag. 23. Mem. des Homm. Illust. t. 3. pag. 225.

Eodem hoc anno Purpuratorum Collegium luxerat insigni decus, Josephum Saenz de Aguirre Cardinalem. Hic Lucronii in Hispania ex nobili familia ortus a teneris totum sese pietati literisque dicabat, ac vitæ solitariæ desiderio incensus, Ordinem S. Benedicti in patria sua profitebatur. Eminent inter suos integritatis ac sapientiæ præstantia: unde cuncta Ordinis sui munia gradatim emensus, atque ad Salmanticensem Cathedram promotus & laurea decoratus, Theologiam, sacrasque literas incredibili Auditorum applausu & frequentia per annos amplius viginti interpretatus est. Demum vero Salmanticæ Censor S. Inquisitionis necnon Abbas S. Vincentii Patrum suffragiis electus, ob præstantissimum librum suum de Cathedra Petri ab Innocentio XI. Presbyteris Cardinalibus accensebatur: nec tamen otiose Purpuram gessit, nec tunc eruditum suum calamum abjecit; quippe Siciliæ Regni Protector, in variis Patrum cætibus apostolica semper libertate suam sententiam exposuit, ac præclara eruditionis,

tionis, justitiæ, ac prudentiæ speci- Sæc. XVII.
 mina edidit, necnon Pontifici stimu- A. C. 1699.
 lum addidit, ut Michaellem Molinos,
 ejusque errores proscriberet. Denique
 legationibus, aliisque pluribus in Ec-
 clesiæ utilitatem præstitis obsequiis
 insignis, die decima nona Augusti Ro-
 mæ prope septuagenarius ex apoplexia
 decessit, sepultus ibidem in Ecclesia
 S. Jacobi Nationis Hispanicæ.

Edidit notitiam Conciliorum Hispa-
 niæ & novi Orbis, Collectionem ma-
 ximam Conciliorum omnium Hispaniæ,
 epistolarumque decretalium, necnon
 plurium monumentorum ad illa spe-
 ctantium cum notis & distinctionibus,
 defensionem Cathedræ S. Petri adver-
 sus declarationem Cleri Gallicani,
 Theologiam Anselmi Archiepiscopi Can-
 tuariensis commentariis illustratam,
 disputationes de virtutibus & vitiis,
 Philosophiam moralem & scholasticam,
 ludos Salmanticenses seu Theologiam
 florulentam, Defensorium Gersonis,
 tractatus de oratione & meditationibus
 S. Anselmi & de Victore Christiano
 in patriam pergente, commentaria in
 Aristotelem ad Nicomachum, præter
 plurima alia opuscula. Adscribitur e-
 tiam eidem tractatus *de libertatibus Ec-
 clesiæ Gallicanæ &c.* Authore N. C. S.
Theologiæ D. hoc tamn opus ex cal-
 Hist. Eccles. Tom. LXVI, L1 mo

Sæc. XVII. mo Nicolai Charas profluxisse, postea
A. C. 1690. constitit.

§. LXXVIII.

Alphonsi Aquillar de Corduba Cardinalis extrema.

*Aut. Bibl.
Hist.
Vid. supra
pag. 446.*

Hunc a summo Pontifice Innocentio XII. Romana Purpura fuisse decoratum, hoc autem anno nondum obtento suæ electionis diplomate Madriti anno ætatis suæ quadragesimo sexto decessisse, jam supra memoravimus.

§. LXXIX.

Joannis Delfini Cardinalis fata.

*Palat. fast,
Card. t. 4.
Merc. Hist.
de l'Ann.
1699.
Vid. supra
lib. 210.
§. 66. t. 65.
pag. 600.*

Hujus quidem Cardinalis decessum ad Annum 1688. rejecimus, meliora autem edocti, errorem nostrum corrigimus: constat enim illum hoc anno Utini decessisse. Erat is ad Venetæ Reipublicæ nominationem Romana Purpura decoratus, atque ob suam prudentiam, rerum experientiam, eruditionem, pietatemque apud omnes ferme Principes & præcipue Gallicarum Regem tanti habitus, ut post Alexandri VIII. obitum absdubio Pontificia Thiara honorandus crederetur; obstabant tamen vehementer Hispani, atque inter eos præprimis Negronius

Car-